

四庫全書

子部

欽定四庫全書

六藝之一錄卷三百五十二

錢唐倪濤撰

歷朝書譜

式古齋書畫彙考目

宋

李宗諤

已見

李昌武銅魚詩帖行書

李建中

已見

李西臺千文卷

李西臺土母帖 披風帖 貴宅帖 賢郎帖

左右帖 齊古帖

林逋

已見

林和靖秋深帖 三君帖

林和靖詩卷

宋綬

已見

宋宣獻千文小楷書

石延年

已見

石曼卿古松詩大楷書

蘇舜欽

已見

蘇子美今春尺牘草書

蘇子美南浦詩帖草書

蘇滄浪留別王原叔古詩帖草書

陳洎 字亞之官至三司副使彭城人

陳亞之詩帖

葉清臣

已見

葉道卿近追大旆帖行楷書

范仲淹

已見

范文正公書伯夷頌并札卷小楷書

文正公道服贊帖

文正公與翰長帖

文正公許下帖

文正公與師魯二帖

文正公動止帖草書

范純仁

已見

范忠宣公日企軒馭帖行書

范純粹

已見

范德孺不見故人帖行書

張昇

字杲卿第進士官至參知政事樞密使封太師謚康節韓城人

張樞相滿江紅詞帖

沈遘

字文通第進士廷唱第一改第二官至翰林學士錢塘人

沈文通屯田君帖行書

劉敞

已見

劉原父書南華秋水篇楷書

錢公輔

已見

錢君倚別久問稀帖行書

歐陽修

已見

歐陽文忠公寄蘇子美詩卷

歐陽文忠公謝惠鼎銘盤記帖

蔡襄

已見

書帖二十一種俱見前

蘇氏一門真蹟冊

蘇老泉臨顧帖

蘇東坡作書帖

東坡京酒帖

東坡寶月帖

東坡啜茶帖

東坡令子帖

蘇頌濱雪甚帖

頌濱惠教帖

頌濱晴寒帖

頌濱文字帖

蘇伯達台眷帖

蘓叔黨試後四詩帖

唐弼杜氏自其曾大父四世與眉山三蘇游書帖

具存紹興癸丑中秋安中過惠州登白鶴峯拜東

坡象觀壁間所刻詩文則皆後人追書求公翰墨
已不可得後十二日邂逅唐弼於潮陽出此卷相
示一翁兩孺千載不沒之氣凜凜在目猶恨獨無
叔黨字畫方求類於舊門願小坡之不在龍駒已
逝駿骨萬金亦可為歎息也中山王安中題

杜唐弼出眉山蘇公父子與其先書十一帖以示
予君懿於唐弼曾大父也明允友君懿而凡事之
道源以父任薄其官有子孟堅踐世科道源優游

侍旁時過子舍孟堅官於黃子瞻適謫居道源
過之遊相好也孟堅金陵丁外艱子瞻赴英州阻
風石頭唐弼方少往見從容累日所為求哀挽者
子瞻接杜氏四世觀其書可以識其年晚與孟堅
江上帖筆勢欹傾而神氣橫溢蓋似其莫歲之文
然不數月而病且死矣唐弼材而賢是能世其家
者建炎己酉閏月庚辰魏郡吳开跋

老蘇先生書世罕見之今始獲觀筆法歐陽公云

蘇氏文章遂擅天下夫豈特其文哉翰墨為近世
第一矣杜君唐弼出以相示且請題其後已酉閏
八月三日長沙何行中東都趙子崧同閱於凌
江物不遷齋

右蘇氏一門真蹟東杜氏子孫四世者意筆高古
而老泉尤勝然皆駸駸乎登晉唐之席矣尾有王
安中吳玘趙子崧三跋余購之吳門舊家子但原
本十版止老泉東坡頽濱三人而無叔黨故王左

承履道有龍駒已逝駿骨萬金之歎茲余既得
叔黨詩牋且得伯達手簡亟命重裝合成一冊夫
以三世之遺墨越數百年之久而珠聯璧合於一
且豈非造物者為眉山巧作因緣也髮僧上振跋

蘇軾

已見

書帖四十九卷俱見前

蘇轍

已見

蘇子由車馬帖行書

蘇頲濱喜雪詩帖

蘇黃門再賦喜雪詩帖

二蘇諸帖

蘇東坡質翁帖

蘇子瞻南至帖

東坡寄米帖

蘇長公書陶靖節清晨叩門詩一首

蘇頌濱詩帖

兩蘇公帖平生多見之蓋真贋相半也從季所藏如淵明詩一紙雖擲棄瓦礫當自有神光發見乾

道七年十一月廿九日洪邁書

二蘇兄弟行如冰雪足以下照百世望如九鼎足以坐銷羣奸學士大夫得其片文隻字輒藏棄以爲榮蓋非特取其華藻也質翁帖是中年書南至帖疑叔黨輩代作寄米帖淵明詩道媚秀傑晚年精妙蓋如此黃門嘗贊其兄云人言吾兄我曰吾師讀戴公詩便知斯言爲實錄乾道乙酉五月一日東里周必大書

兩蘇公碎墨斷藁不自愛惜求者輒予往時士大夫多有之近歲有力者喜奪人所好藏書者至不敢示人趙從季所藏甚富何以能然蓋所謂廉者不求貪者不與能如是所以得久存也乾道乙酉冬至後二日廬溪王庭珪書

眉山二蘇先生文章氣節光曜典冊後世獲見其書翰如親侍焉安敢妄言以取不自量之譏乾道諸公墨蹟亦不易得况洪內翰周益公之確論藏

者寶惜之東平周泰識

黃庭堅

已見

書帖手簡真蹟三十七卷俱見

米芾

已見

書帖三十六卷俱見

蘇邁

已見

蘇伯達辱書愈勤帖行草書

蘇過

已見

蘇軾黨試後四時帖

米友仁

已見

米元暉動止持福帖草書

呂公弼

字實臣官至樞密使贈太尉謚惠穆壽州人

呂寶臣子安學問帖行書

韓琦

已見

韓魏公小懇帖 信宿帖

曾鞏

已見

曾子固局事多暇帖行楷書

曾布

已見

曾子宣被召帖

曾宰

已見

曾湘潭五十郎帖

曾肇

已見

曾子開奉別行復帖行書 曾子開造門帖行楷書

曾紆

已見

魯公卷草履帖草書

魯氏諸帖

魯子開五十郎帖

魯子開近疎帖

魯湘潭五十郎帖 闕款詩

魯子宣被召詩

魯子宣與宋親帖

味南豐先生右軍墨池記方勉學者進於道德何暇役心字畫間者今觀此帖亦未嘗不善也新安朱公因觀親筆而極論先生之文蓋壁慶元初與

公同在史院暇日評本朝諸老之作公所推許視
今卷中語一同又為壁誦范貫之奏議集序不遺
一字時公春秋已高強記猶爾況其論說魁偉闡
明聖真蓋將與先生並傳於千載而未知其為先
後也染翰之工拙宜公所畧而獨有感於斯文視
先生墨池之意亦何以異哉嘉定元年四月眉山
李壁

南豐兄弟之文自成一家嘗得玩誦其翰墨及湘

潭帖今始見之道夫力學當世其家所勉之而已
時嘉定 子上已後二日吳郡衛涇書於臨川驛
舍

觀道夫寶藏先世手澤文獻所在班班可考茲孝
子慈孫之心也時嘉定元年孟夏甲子永嘉徐誼
敬書於豫章襟帶堂

陳后山謂向來一瓣香敬為曾南豐幼時讀是詩
暨讀先生元豐類藁其立言必止於仁義誠一代

之儒宗是知當時學者起慕起敬后山獨發之於吟咏也先生手澤散佚族屬居多族孫道夫講書撫其所有寶藏之惟謹合諸祖翰墨刊成大軸一日過訪逮出以見示再拜敬觀家學之淵源端有自來矣道夫之尊府艇齋先生早遊韓呂之門旋謁名公大老琢磨講貫學成行尊曾不求於聞達偉哉區區幸窺先哲之典型更識名門之文獻歛衽為之三歎道夫篤志切問卓然自立於鄉曲咸

謂克世其家云嘉定辛巳五月上澣襄陽王某謹書

頃年嘗見曲阜手澤於番陽彭尚書家後又兩見文肅真帖然忘其處所矣若南豐與湘潭翰墨則未之見也來撫訪跡故家於是識湘潭之孫澠而因得盡窺其先世四君子典刑雖紙弊墨渝生意眈然故在不謂衰莫潦倒猶有此一幸遇也敬書以志喜嘉定癸未夏浚儀趙汝談

予生平閱前輩翰墨不少獨湘潭南豐文肅文昭
手澤雖在鄉里乃未之見道夫曾兄一日出此軸
以相示見其書猶見其人焉歟枉讀之所得多矣
若夫四公之文章履行近世諸賢已自著語無所
容喙姑紀歲月以附卷尾嘉定甲申夏六月甲午
里人董居誼

荆公南豐皆以淡墨片紙荒率行草而人往往從
其後收之易世之後敬之如此此如歌破帽煨半

芋振衣迎客客主無語而意自消因思少年舉子
一門三第非四方所少功名富貴竟亦何足復道
惟人自有集列為三文大者見稱歐魯此大江以
西文山文水太平星聚諸賢福力左提右挈流風
餘澤不乏不衰是以此也而非一家之慶一人
之祿一書生之所能也此卷家乘在流落為多在
文獻為少蓋後又百八九十年而徵宋猶有存焉

廬陵劉辰翁

文定公書如謝家子弟雖時偃蹇不端正自爽
壇有一種風氣文肅公書如高麗使人抗浪甚有
意氣文昭公書如玉環臃腫自是太平人物湘潭
公書如吳興小兒形雖未成而骨體甚雋見此衆
妙何其幸歟丁亥四月十八日陳黃裳觀

招子拜觀帖後內翰文昭公三書云五十郎者吾

六世祖司直公尊行也

公乃挺齋父諱
晦之字仲共

內翰乃司

直公之叔祖故作書以此稱之其帖末故云叔翁

批蓋三帖是家書耳先世未嘗附焉觀雁湖李公之跋則可見矣先君恐其遺散遂附於諸帖之後招子因參之家乘考其次第始得知焉乙亥冬隨侍先君辟地稠原至於駝山屢遭鋒刃之厄此帖此身甚於草芥殆幾於不保矣幸神其擁護與他書表裏佩在左右一旦遂為不失之物真可謂奪之虎口而得之龍頷也嗚呼經此一番大變故而所携盡為一空可為當日憾然此生尚存斯文未

喪猶可謂後來慶雖則神者相而亦莫非祖宗有
靈冥冥之中陰實相之也當是時如高大父艇齋
文安贊述及晦菴先生朱文公所與曾大父適軒
講書十七帖俱在囊中其所謂贊述者僅存一軸
而文公墨帖止存四五紙如此書則全璧依然青
氈再復至今為全書為我家故物於斯弗失矣招
子暇日重為緝理遂得以窺先代四祖染翰之畫
其心文安講書收拾之畫其力祖考二君珍藏之

盡其功流傳三百年間紙未弊而墨未渝也嗚呼
一經靖康之變再厯開慶之擾終更德祐之厄異
書奇文古篆名迹至於泯沒漸盡與之俱化者亦
不少而此帖巋然獨存尚傳千載曾不與之俱化
吁可怪也夫若使後人觀之聳然駭愕當撫卷而
三嘆也為之子孫者又安敢失墜而忘其祖宗付
託之意哉故予題其帖曰傳家之寶云歲在元默
敦牂季秋菊前一日八世孫招子再拜謹書於跋

尾

趙抃

已見

趙清獻山藥帖行楷書

孫甫

字之翰進士及第官至侍讀贈右諫議大夫許州人

孫之翰與德表帖

孫之翰虞候還帖行書

司馬光

已見

司馬溫公兩淮帖行書

司馬溫公史草并短啓附范忠宣手簡

溫公被命為通鑑給筆札辟僚屬其事至重其以牘背起草可以見其儉字必端正可以見其誠比事而書該以一二字可以見其博紙尾謝狀稿此尋常之事亦出於手書可以見其遇事之不苟也方公作此時豈料其為後世之傳由今傳之盛德之蘊自然而形見蓋有不可勝言者敬慕不已謹題卷末韓性

王安石

已見

王荊公書楞嚴經要旨正楷書

文彥博

已見

文潞公祠部帖

呂大防

已見

呂維仲私門帖行書

蒲宗孟

字傳正皇祐間進士官至尚書左丞蜀新井人

蒲傳正夏中蒲兵帖行楷書

唐垌

已見

唐林夫征局冗坐帖行書

韓絳

已見

韓子華承師詩帖行楷書

韓子華家滄帖

韓繹

韓繹瞻懷帖行書

韓縝

已見

韓玉汝欽聞帖行書

錢勰

已見

錢穆父跋先起居帖行書

錢穆父顏帖跋行書

王詵

已見

王晉卿賴昌湖上詩蝶戀花詞卷

李公麟

已見

李伯時孝經卷

方勺

字少翁號泊宅翁金華人

方少翁黃鶴引詞帖

秦觀

已見

秦少游書黃庭經小楷書

秦太虛書古詩十九首楷書

秦少游詩餘草藁卷行楷書 秦少游竹詩蹟

蔣之奇已見

蔣穎叔辱書帖行草書

蔣穎叔北客帖行書

章惇已見

章子厚會稽尊侯帖行書

呂嘉問

字望之官至龍圖閣學士贈資政殿學士壽州人

呂望之蒙恩進職帖行書

林希

字子中嘉祐二年進士官至同知樞密院事長樂人

林子中奉見風範帖行書

王升

已見

王逸老杜門帖草書

劉正夫

已見

劉德初又啓帖行書

陳瓘

已見

陳瑩中仲冬嚴寒帖行書

陳暘

字晉之中紹聖元年制科官至禮部侍郎福州人

陳晉之詩帖行書

薛紹彭

已見

薛道祖雲頂山詩卷

薛翠微雜書四帖

薛道祖晴和帖 二像帖 隨事吟帖

薛道祖書世說新語楷書

薛翠微昨日帖草書

張舜民

已見

張芸叟姻期帖

陳師錫

字伯修熙寧九年進士蘇軾薦為校書郎官至殿中侍御史考功郎中贈直龍圖閣建陽人

陳伯修歲晏帖行書

邵飭

已見

邵仲恭到京帖行書

蔡卞

已見

蔡元度雪意帖草書

李之儀

已見

李瑞叔別紙帖行書

何臬

字文縝政和五年進士第一官至右僕射仙井人

何文縝即辰六月帖行書

趙令時

字德麟封安定郡王太祖五世孫

趙德麟蒙餉梨栗帖行書

薛尚功

已見

薛用敏摹鍾鼎彝器款識

李彭

字商老

李商老公闢家兄帖行草書

釋法暉

已見

法暉細書經塔

女李易安

已見

李易安一剪梅詞

宋蔡蘓黃米四大家合卷

蔡君謨臨鍾元常薦季直表帖

蘓子瞻次韵王晉卿送梅花一首帖

黃魯直承諭帖

米元章獻汲相國帖

米元章啓觀使帖

余垂髫時即喜事翰墨年來所藏前代名蹟頗
富若宋之四大家則未之有也蒐羅廿年得彙此
冊誠為宇內第一大觀昔趙子固云性命可輕至
寶是保余於此帖亦云金華宋濂 延陵吳寬
觀記之

宋代法書名家濟濟冊中四公當時負望後代推

宗可為有傳人而有傳跡者也宋學士得彙其書
於一冊之中焚香靜對恍揖諸賢於一室之中與
之寤寐同堂也其樂何如耶即南面百城亦不與
易也東海張弼

宋名公翰墨合卷

蘇子瞻牡丹和韻詩帖

蘇子瞻官屬帖

蘇子瞻究海帖

蘇子由和子瞻詩帖

薛道祖昨日帖

米元章雞黍詩帖

郭祥卿山頭詩帖

楊補之咏鞋詞帖

陳晉之題節義夫人傳帖
吳傳朋行藝詩帖

宋賢十七劄子

宋公垂度支帖

葉道卿近遣帖

章子平承示帖

林子中前日帖

蔣穎叔遂往法濟帖

達七月帖

劉無言昨夕帖

煜久疎帖

葉石林人至帖

張天覺女夫帖

周美成前日帖

青谷德止彞途詩帖

林彥振承誨帖

韓良臣近間帖

吳傳芻門內帖

吳居父伏自帖

葉正則觀牡丹詩帖

右宋賢劄子十七帖皆一代名流鴻望魁壘英巨
之筆往歲客燕山嘗從朱忠禧公綠蔭亭中閱此
朱公好古家藏名蹟甚富每愛惜此冊以為劉公
一劄可當十部從事諸賢濯濯單言片翰並有風

致非近世雕蟲之士所能比肩忠禧化去未久圖書散落此冊為鬻畫人持至江南思重參軍見之悽惋遂出重貲購之命余題冊尾余與思重皆忠禧文酒之客覩此不勝人琴之感非徒以諸公手澤之故耳王穉登書

右有宋名賢十七札首名綬者宋宣獻公也名上有朱文印曰宋綬公垂公以楷名於宋今札亦是正書道勁有法清臣者葉學士道卿也蘓之長洲

人衡者章待制子也浦城人二公天聖嘉祐時人
希者林子中也閩人之奇者蔣穎叔也草法老勁
似王荆公達者不知何人其札乃與穎叔者故次
於此燾者劉無言也行草出入蘇黃而風趣盎溢
山谷云今天假以年江左又出一薄紹之矣殆非
虛言夢得者葉石林也書法與停雲所刻正同商
英者張天覺也書與語皆不免俗透末後句者固
如是耶邦彥者周美成也攄者林彥振也二公書

俱類蔡元長豈氣類相似耶世忠者韓蘄王良臣也史稱目不知書晚忽有悟能作字工小詞此札與運使借錢者時尚在軍中或出佐史手正書有蘓長公風致說者吳傅朋也李清照金石錄後序云尚餘五七麓盜穴壁取去為吳說運使賤價得之即此也琚者吳居父也行草逼肖米元章若不視其款未有不以為元章者適者水心居士葉正則也嘉王之立寶發於公以與趙丞相議不合即

拂衣歸水心詩早已精嚴晚尤高古今詩亦淡宕
可喜書法蔡君謨而自具風骨中間名煜者為青
谷德止者不知何人書亦可觀此冊舊為朱忠禧
物後為談岳山參軍名志伊字思重者得之後又
轉入汪景辰家今年秋王越石舫中見之余極愛
劉無言吳居父葉水心三札遂易得之畧疏其人
於後愧疎陋未能徧考以俟世之博雅者崇禎甲
戌年九月閒止居士曹函光書

南宋

沈與求

已見

沈必先高秋氣爽帖行書

胡安國

已見

胡文定與信伯二帖 胡康侯稍疎奉問帖行書

呂頤浩

字元直第進士官至左右僕射贈太師謚忠穆
先樂陵人徙齊州

呂元直台眷均福帖行書

李綱

已見

李伯紀近被詔書帖行書

岳飛

已見

岳武穆題池州翠光亭詩

劉光世

字平叔官至節度使封揚國公追贈廊王謚武僖保安軍人

劉平叔即辰秋思帖行書

尹焞

已見

尹和靖前月帖 易傳帖 虎邱帖 會稽帖

教益帖 兩收帖 久違帖 邢塔帖 主簿帖

貴眷帖

蕪庠

已見

蕪後湖詩翰帖

陳與義

已見

陳簡齋詩蹟

范潔

字景圭紹興間守光化軍後守鄂州劍浦人

范景圭一舟帖 春澤帖並行書

徐夢莘

字商老紹興廿四年進士官至知賓州擢直秘閣先開封人寓臨江

徐商老久不上訊帖行書

趙鼎

字元鎮崇寧五年進士官至左僕射贈太傅追封豐國公謚忠簡聞喜人

趙元鎮劄子楷書

韓世忠

已見

韓忠武二詞蹟 韓良臣秋暑尚煩帖行楷書

韓良臣高義帖行書

汪藻

已見

汪彥章違別滋久帖行書

汪龍溪誤食胡桃帖

蔣璩

已見

蔣宣卿詩帖行楷書

吳說

已見

吳傳朋三詩帖游絲書 吳傳朋叙慰帖行楷書

張九成

已見

張子韶宮祠帖行書 張橫浦書黃庭經小楷書

朱敦儒

已見

朱希真別後塵勞帖行草書

張綱

已見

張彥正乞授封號帖行楷書

張浚

字德遠徽宗時進士官至尚書右僕射樞密使封魏國公贈太保加太師謚忠獻漢州綿竹人

張德遠遠辱手翰帖行書 張德遠談笑措置帖行書

張忠獻即日小雨帖行書 張魏公早上封事帖行書

張栻

字敬夫學者稱南軒先生浚子官至修文殿修撰謚曰宣漢州綿竹人

張敬夫寄劉公詩帖

張孝祥

已見

張安國關徹帖行書

張于湖學富帖行書

張于湖臨存帖行書

張安國歲晏苦寒帖行書

龍大淵

官至總管

龍大淵歲華帖行楷書

王之望

字瞻叔紹興八年進士官至參知政事襄陽穀城人

王瞻叔即日薄寒帖行書

洪遵

字景嚴紹興十二年進士官至同知樞密院事資政殿學士諡文安饒州樂平人

洪景嚴睽遠許時帖行書

虞允文

已見

虞雍公釣堂帖

虞彬甫適造帖行書

葉衡

字夢錫紹興十八年進士官至右丞相兼樞密使贈資政殿大學士金華人

葉夢錫即日初冬帖行書

汪應辰

已見

汪聖錫中庸畢工帖行草書

胡銓

已見

胡邦衡台慈分賜劄子楷書

曾覲

字純甫號海野官至少保汴梁人

曾純甫惠誨帖行書

曾海野楓橋帖行書

王十朋

已見

王梅溪寵示室銘帖行書

劉芮

官至刑部

劉刑部和敬夫詩帖

王淮

已見

王季海上恩帖行書

范成大

已見

范至能垂誨帖草書 范至能玉候帖行楷書

范石湖金橘帖行書 范至能中流一壺帖行草書

范石湖春晚晴媚帖行草書

謝諤

已見

謝昌國傾耳剴切帖

朱熹

已見

徽國文公編輯文字帖 朱子畫寒詩卷

朱文公自書武彛九曲詩卷

朱文公與姪六十郎帖 朱文公城南詩卷

朱晦翁賜書帖行書 朱晦翁與時宰二手劄行書

吳琚

已見

吳居父觀李氏譜牒帖行書

吳獻惠題名帖行書 吳雲壑急足帖行書

楊萬里

已見

楊廷秀夏清和帖草書

陸游

已見

陸放翁書大聖樂詞草書
陸務觀長相思詞五闋
陸務觀拜違顏侍帖行草書

放翁與仲信明遠二帖行草書

陸放翁自得我心詩蹟行書

樓鑰

已見

樓大防梅天雨潤帖行書

真德秀

已見

真西山與王周卿手簡

洪咨夔

已見

洪聖俞道場詩并札卷行書

魏了翁

已見

魏鶴山遺陳深父子 魏華父昭代親友帖

喬行簡

字壽朋紹熙四年進士官至左丞相加少傅平章軍國重事封魯國公贈太師謚文惠婺

州東陽人

喬壽朋恐勤帖行書

方岳

字巨山號秋厓官中祕書出守匡廬秀水二郡

方秋厓濫塵札

杜範

字成之一字儀夫號立齋嘉定元年進士官至右丞相贈少傅謚清獻黃岩人

杜丞相薦勤帖

吳文英

字君特號夢窗嘗從吳潛毅夫遊四明人

吳夢窓詞稿

張即之

已見

張樗寮書遺志覺上人金剛經并跋正書

張溫夫為母夫人書金剛經并跋

張溫夫從者來歸帖行草書 張溫夫書酒仙詩卷

張樗寮裴茗帖行書 張樗寮引年得謝帖行書

張溫夫溪莊帖行草書

趙孟堅

已見

趙子固題道場詩行書 趙彞齋梅竹譜卷行書

張叔夏

張叔夏過韓平原慶樂園賦高陽臺詞蹟

蕭迂民

蕭迂民與先之劄子行草書

杜良臣

已見

杜良臣勤願帖行楷書

陸秀夫

已見

陸君實羣玉帖行草書

文天祥

已見

文信國諸劄

文履善瑞陽帖小行草書

信國手書小青口詩卷

文丞相途中三詩并簡卷

原文收柳女信痛割腸胃人誰無妻兒骨肉之情但

今日事到這裡於義當死乃是命也奈何奈何途
中有三詩今錄至言至於此淚下如雨

邳州哭母小祥

九月七日

我有母聖善鸞飛星一周去年哭海上今年哭邳
州遙想仲季閭木主布筵几我躬已不閱祀事付

支子使我早淪落如此終天何及今畢親喪於分
亦已多母嘗教我忠我不違母志及泉會相見鬼
神共歡喜

過淮

北征垂半年依依只南土今晨渡淮河始覺非故
宇故鄉已無家三年一羈旅龍朔在何方乃我妻
子所昔也無奈何忽已置念慮今行日云近使我
淚如雨我為綱常謀有身不得顧妻兮莫望夫子

兮莫望父天長與地久此恨極千古來生業緣在
骨肉當如故

亂離歌六首

有妻有妻出糟糠自少結髮不下堂亂離中道逢
虎狼鳳飛翩翩失其凰將雛二三去何方何虞國
破家又亡不忍舍君羅襦裳天長地久遠茫茫牛
女夜夜遙相望嗚呼一歌兮歌正長悲風北來起
彷徨

有妹有妹家流離良人去後携諸兒北風吹沙塞
草萋窮猿慘澹將安歸去年哭母南海湄三男一
女同歔歔惟汝不在割我肌汝家零落母不知母
知豈有瞑目時嗚呼再歌兮歌恐悲脊鴿在原我
何為

有女有女婉清揚大者帖學臨鍾王小者讀字聲
琅琅朔風吹衣白日黃一雙素壁委道旁雁兒雁
兒秋無梁隨母北去誰人將嗚呼三歌兮歌愈傷

非為兒女哭淋浪

有子有子風骨殊釋氏抱送徐卿雛四月八日摩
尼珠榴花犀錢落繡襦蘭湯百沸香似酥歛隨飛
藿飄泥塗汝兄十三騎鯨魚汝今三歲知在無鳴
呼四歌兮歌以吁燈前老影明月孤

有妾有妾今何如大者手將玉蟾蜍次者親抱汗
血駒晨妝靚服臨西湖英英雁蕩飄瑤琚風花亂
墜鳥鳴呼金莖沆瀣浮汙渠天摧地裂龍虎徂美

人塵土何代無嗚呼五歌兮歌鬱紆為爾迎風立
斯須

我生我生何不辰孤根不識桃李春天寒日短空
愁人北風吹隨鋏馬塵初憐骨肉鍾奇禍如今骨
肉更憐我汝在空能撓我懷我死誰當收我骸人
生百年何醜好黃梁得喪俱草草嗚呼六歌兮勿
復道出門一笑天地老


一讀此詩便知老兄悲痛真切之情事至於此為

之奈何凡事只待千二哥至造物自有安排

一可將此詩呈嫂氏歸之天命仍語靚妝瑤英不
曾周旋得毋怨毋怨徐娘以下皆可道達吾此意
當此天翻地亂人人流落天數奈何奈何

一可令柳女環女好做人爹爹管不得淚下哽咽
哽咽

一此詩本仍可納之千二哥兄天祥家書達百五
賢妹



六藝之一錄卷三百五十二

欽定四庫全書

子部

六藝之一錄卷三百五十三

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣陸湘

謄錄監生臣周牧

欽定四庫全書

六藝之一錄卷三百五十三

錢唐倪濤撰

歷朝書譜

金

宇文虛中

宇文虛中字叔通蜀人天眷間累官翰林學士知制誥兼太常卿封河南郡開國公書太祖睿德神功碑進階金紫光祿大夫皇統四年轉承旨加特進遷禮

部尚書

金史

武元皇帝平遼碑宇文虛中書

王競

王競字無競彰德人以廕補官大定二年為禮部尚書兼翰林學士承旨博學而能文善草隸書工大字

兩都宮殿榜題皆競所書士林推為第一云

金史

都城門外墨書粉地內朱書金地皆禮部尚書王競

書

金圖經

蔡松年

蔡松年字伯堅天會中除真定府判官天德初擢吏部侍郎遷戶部尚書正隆三年進拜右丞相加儀同

三司封吳國公諡文簡工樂府與吳激齊名

金史

元好問云百年以來以書名者多矣宇文叔通王無競蔡伯堅父子吳彥高高子文耳目所接見行輩相

後先

遺山集

蔡珪

蔡珪字正甫

松年子

中進士第不求調久乃除澄州軍

事判官歷翰林修撰同知制誥終澠州刺史

金史

蔡珪識古今奇字有續歐陽文忠公集錄金石遺文

傳於世

書史會要

蔡璋

蔡璋字特甫珪弟進士有書名筆法與珪如出一手

中州

集

吳激

吳激字彥高建州人米芾之壻也工詩能文字畫俊逸得芾筆意尤精樂府造語清婉將宋命至金以知名留不遣命為翰林待制皇統二年出知深州東山

其自號也

金史

高士談

高士談字季默宣和末為忻州戶曹參軍入仕國

朝官至翰林直學士

金史字文虛中傳

士談善草書

史書

會要

張斛

張斛字德容漁陽人仕宋為武陵守國初為祕書省

著作郎文筆字畫字文太學激賞之

中州集

鄭晦

鄭晦字光道為代州士曹善篆隸詩筆高雅

中州集

任詢

任詢字君謨易州軍市人書為當時第一畫亦入妙

品評者謂畫高於書書高於詩詩高於文然王庭筠

獨以其才具許之登正隆二年進士第歷益州都勾判官北京鹽使致仕優游鄉里家藏法書名畫數百

軸

金史

任南麓字流麗道勁不讓二王

墨池
淵海

党懷英

党懷英字世傑馮翊人大定十年中進士第能屬文工篆籀當時稱為第一學者宗之為翰林學士承旨

致仕諡文獻

金史

黨懷英篆籀入神李陽冰之後一人而已嘗謂唐人
韓蔡不通字學八分自篆籀中来故懷英書上軋鍾
蔡其下不論也小楷如虞褚亦當為中朝第一書法
以魯公為正柳誠懸以下不論也

趙秉文
澄水集

竹溪四

絕句黨懷英篆書

黨懷英孔廟碑字畫在西嶽碑之上

立牘
紀

趙泚

趙泚字文儒東平人大定二十二年進士仕至禮部

郎中性冲淡學道有所得尤工書自號黃山趙秉文
云泐之正書體兼顏蘇行草備諸家體其超放又似
楊凝式當處蘇黃伯仲間黨懷英小篆李陽冰以來
鮮有及者時人以泐配之號曰黨趙

金史

趙秉文

趙秉文字周臣磁州滏陽人也登大定二十五年進
士第興定元年拜禮部尚書兼侍讀學士同修國史
知集賢院事哀宗即位改翰林學士自幼至老未嘗

一日廢書文尤長於辨析小詩精絕字畫則草書尤

道勁

金史

趙秉文幼年詩與書皆法子端後更學太白東坡字

兼古今諸家學及晚年書大進詩專法唐人魁然一

時文士領袖自號閒閒居士云

劉祁歸潛志

王庭筠

王庭筠字子端河東人登大定十六年進士第調恩

州府軍事判官再調館陶主簿明昌元年試館職中

選御史臺言不當以館閣處之遂罷乃卜居彰德買
田隆慮讀書黃華山寺因以自號三年召為應奉翰
林文字命與祕書郎張汝方品法書名畫遷翰林修
撰書法學米元章與趙沍趙秉文俱以名家

金史

庭筠書法沉頓雄快與南宋諸老各行南北元初巖
子山諸人不及也

六硯齋
二筆

王黃華書服胡麻賦

右服胡麻賦蘇文忠公所作黃華山主王子端之所

書也子端在金源事章宗為翰林修撰是時金有國
已久士大夫舍干戈從事翰墨之間如黨竹溪趙黃
山諸人各擅所長以名家子端行草則取法黃山能
變而之古者也余往在燕都嘗於市上購得子端過
醵桃山和二兄詩二首詞翰皆非近人可比遭值戊
戌兵燹之後散軼不存意猶惜之及來太末復於民
家見此卷楮墨零落幸而存耳意欲售人而人不知
其可貴獨余寓目之頃如覩舊物然亦不復求之今

乃歸於吾鄉人任氏卷後有元遺山題識以淵珠膏
火之喻為不可曉蓋金人傳寫誤以珠在淵作在淵
珠也獨未審膏火所喻昔朱子嘗取文忠此賦以續
騷余不復尚論子端書法氣韻似米南宮妙處不減
晉人自明昌距今垂二百年當土宇分合之後寥寥
不可多得矣雖有拱壁寧能過之

胡翰仲
子集

黃華老人帖

米襄學段季展得其刷掠奮迅故作大字悉祖之考

諸右軍筆陣實未有是體蕭齊丈二蓋其鼻祖季展
之變繇是始沈傳師實為雲仍米良有所本矣黃華
老人百一帖評品悉祖寶章故其大字超軼抗衡桷
舊閱金帝實錄老人為修撰時坐擅議朝政受杖噫
使在慶歷元祐間寧有是耶至治三年二月史官素

桷書

清容居士集

黃華老人真蹟

右黃華老人書三十三字吾外舅蒙翁先生所藏翁

及天全翁徐公所題皆在焉老人本金人姓王氏名庭筠字子端號黃華舉進士官至翰林修撰書學宋米元章論者謂其胸次不在米下此詩已斷裂不能讀而字畫道逸可玩蒙翁題五字筆意渾成天全并稱為得意信然而天全此書亦奇偉絕俗雖稱三絕可也某將南歸時蒙翁指此書謂曰此至姑蘇必見此翁某未至數日而翁已卒歸見蒙翁已卧病不能語嗚呼異代不足論二翁雖異尚殊見皆蓋世人豪

而亦不可作矣可勝慨哉可勝慨哉

懷麓堂集

王庭筠書先主廟碑

王庭筠行書博州重修廟學記并碑陰記

王庭筠行書太原重修學記

王曼慶

王曼慶庭筠子亦能詩并書仕至行省郎中自號淡

游

金史

曼慶詩筆字畫俱有父風

中州集

王明白

王明白庭筠猶子幼歲學書書家即稱賞之

中州集

張天錫

張天錫字君用號錦溪道人河中人官至譏察其真字

得柳誠懸法草師晉宋亦善大字道陵諸殿字匾皆

其所題有草書韻會行世

書史會要

司馬朴

司馬朴字文季溫公之猶子仕宋為兵部侍郎以奉

使見留居於祁陽工書翰有晉人筆意興陵萬機之暇嘗購其遺墨學之

中州集

施宜生

施宜生字明望浦城人官至翰林學士自號三住老

人

中州集

汴城東光教寺普賢洞記施宜生書

蕭永祺

蕭永祺字景純本名伯哩少好學通契丹大小字廣

寧尹耶律固奉詔譯書辟置門下因盡傳其業天德

初為翰林學士承旨尚書左丞

金史

劉汲

劉汲字伯深天德三年進士入翰林為供奉自號西

巖老人有西巖集行世

中州集

劉汲善草書

書史會要

伊喇履

伊喇履字履道遼東丹王托雲七世孫也博學多藝

善屬文廕補為承奉班祗候國史院書寫世宗方興

儒術詔譯經史擢國史院編修官兼筆硯直長明昌元年進尚書右丞諡曰文獻秀峙通悟精歷算書繪

事

金史

耶律履素善契丹大小字譯經辭達而理得大定初詔以小字譯唐史則別以女真字傳之履在選中獨主其事又以女直字譯漢文選貴胄之秀異就學焉

元遺

山集

左光慶

左光慶字君錫以廕補閣門祇候好古讀書喜為詩
善篆隸尤工大字世宗行郊禮受尊號及受命寶皆
光慶篆凡宮廟榜署經光慶書者人稱其有法遷同
知宣徽使改少府監平時喜為善言蓄善藥號善善

道人

金史

王渥

王渥字仲澤後名仲澤太原人南渡後擢第為太學
助教充樞密院經歷官遷右司都事博學無所不通

長於談論工尺牘字畫適義有晉人風作詩多有佳

句

歸潛志

張穀

張穀字伯英許州臨潁人大定二十八年進士歷遷

官至河東南路轉運使權行六部尚書安撫使

金史

張穀字畫勁古有顏平原風

歸潛志

史公奕

史公奕字宏父大名人大定二十八年進士工書有

能名自號歲寒堂主人正大初為翰林修撰充益政

院官致仕

歸潛志

楊邦基

楊邦基字德懋華陰人大定中進士仕至祕書監禮

部尚書文筆字畫有前輩風調

中州集

龐鑄

龐鑄字才卿遼東人少擢第仕有聲南渡後為翰林待詔遷歷京兆路轉運使博學工文造語奇健不凡

世多傳之

金史

鑄多風流文采字畫亦蘊藉

中州集

麻九疇

麻九疇字知幾易州人七歲能草書作大字有及數尺者一時目為神童章宗召見大奇之入太學有文名已而隱居不為科舉計趙秉文連章薦之特賜盧亞榜進士第俄遷應奉翰林文字

金史

九疇字畫正

書八分皆有功

中州集

趙觀

趙觀字維道明昌中進士從事史院閒閒公許其字

畫進進不已可到古人

中州集

趙滋

趙滋字濟甫號蘧然子汴人學書學畫學詩學論文

力到便有所得閒閒公書法為當代第一手濟甫筆

勢飛動得公不傳之妙

中州集

李解

李澥字公渡相人少從內翰子端學詩能行書

中州集

李澥字得法於趙閒閒

歸潛志

王中立

王中立字湯臣奇嵐人博學強記問無不知少日治

易有聲場屋年未四十喪妻不娶亦不就舉獨處一

室中如僧如是三四年乃出覺其談吐高濶詩畫超

絕若有物附之者問之不言也好作擘窠大字勢若

飛動閒閒極愛之晚年易名雲鶴號擬相道人

續夷堅志

王仲元

王仲元字清卿家平陰舉進士有聲書名尤重介歐
虞間用薦者召應奉翰林文字改陝西轉運使鹽鐵

判官

楊奐還
山遺藁

仲元工書法趙黃山自號錦峰老人

歸潛
志

趙可

趙可字獻之高平人貞元二年進士仕至翰林直學
士一時詔誥多出其手流輩服其典雅其歌詩樂府

尤工號玉峰散人集

史金

趙可工於字畫

歸潛

志

趙述

趙述字勉叔可子承安二年登科詩筆字畫皆有父

風

中州集

李著

李著字彥明真定人高才博學詩文得前人體工於

字畫承安二年經義第一人累官彰德府治中

中州集

馮壁

馮壁字叔獻真定人承安二年進士調莒州軍事判

官歷官同知集慶軍節度使致仕

金史

馮壁字畫楚楚有魏晉間風氣雅為閒閒公所激賞

中州集

高憲

高憲字仲舉遼東人黃華之甥幼學於外家故詩筆

字畫俱有舅氏之風泰和三年乙科登第為博州防

禦判官

中州集

劉珠爾

劉珠爾年十一歲能詩賦誦大小六經所書行草皆
有法章宗召至內殿試鳳凰來儀賦魚在藻詩又賦

早詩賜本科出身令肄業太學

金史選舉志

史肅

史肅字舜元京兆人作詩精緻有理工於字畫業科

舉為進士大安初召為中路副使超戶部正郎

中州集

冀禹錫

冀禹錫字京父惠州龍山人幼聰敏絕倫年十九擢
大興魁入太學有聲弱冠登高第主沈丘簿未帝東
遷擢為應奉文字充尚書省都事作詩鍛鍊甚工寫
字亦勁健可喜

歸潛志

完顏璫

完顏璫本名壽孫世宗賜名字仲實一字子瑜博學
有俊才喜為詩工真草書正大初進封密國公

金史

密國公宗室中第一流人也少日學詩於朱巨觀學

書於任君謨遂有出藍之譽家藏法書名畫幾與中

秘等

中州集

完顏守禧

完顏守禧字慶之密國公璫幼子年少有俊才作詩

與字畫亦可喜狀貌白皙風神秀徹如神仙中人

潛歸

志

李經

李經字天英錦州人作詩極刻苦喜出奇語南渡後

以武功命倖其州

金史

李經少有異才字畫亦絕人

書史
會要

王子可

王子可字南雲河東吉州人南渡後居上蔡遂平鄆城之間落魄嗜酒人與之紙落筆數百言字畫峭勁

金史

郝天祐

郝天祐字賢卿陵川人貞祐初隱居魯山作古文歌

詩尤玩意書法嘗以為正書當以篆隸意為本而鍾
王書之經也顏坡書之傳也其餘則諸子百家耳故
其筆勢莊重秀勁能作大餘楷草嘗言大字雖大而
小小字雖小而大正書須有草意草書須有正筆其

論書如此

郝經陵
川文集

高德喬

高德喬字曼卿野人擢第累官西京路轉運使封
廣陵郡開國公工於為文字畫尤有法嘗以樗軒所

書比之氣韻形似無毫髮少異

中州集

明威將軍李

磐神道碑德裔撰并書

張本

張本字敏之觀津人貞祐元年中詞賦高第工大篆
八分正大九年以翰林學士使北見留遂隱為黃冠

居燕京

甘水仙
澤謠

宋適

宋適無書名題柳公權蘭亭禊詩後序乃至佳

王氏
法書

苑

杜師楊

杜師楊武功人能詩尤工書翰

中州集

譚處端

道士譚處端一名玉號長真子大定間從全真開化

真人遊善草隸書

書史會要

釋德普

釋德普號勝靜老人武州人能作詩頗工字畫

書史會要

石刻

許復 佑聖王靈應碑許復書

郝史 中岳廟碑郝史書

賈旣 六聘山天開寺懺悔上人墳塔記賈旣書

龍巖 古柏行龍巖書

釋善進 香水寺頭陀大師實行碑釋善進書

釋義中 憫忠寺舍利函記釋義中書

元

耶律楚材

耶律楚材字晉卿博極羣書下筆為文若宿構者貞祐二年辟為左右司員外郎太宗定燕聞其名召見之處之左右太宗即位拜中書令贈太師上柱國追封廣寧郡王諡文正

元史

耶律文正晚年所作字畫尤勁健如鑄鐵所成剛毅之氣至老不衰

宋學士集

劉秉忠

劉秉忠字仲晦初名侃因從釋氏又名子聰邢人世
祖在潛邸應對稱旨屢承顧問至元元年拜光祿太
夫位太保封趙國公謚文正又進封常山王自幼好
學至老不衰雖位極人臣而齋居素食不異平昔自
號藏春散人

元史

秉忠楷書以魯公筆法為正草書則取二王以為專

門之學

藏春集

徐世隆祭太保劉公文云字畫清勁筆中法具誰其

似之黃山文孺

元文類

秉忠精天文地理算數推步之學兼工書翰

書史會要

王磐

王磐字文炳廣平永年人金正大中登進士第至元

元年召入翰林兼太常卿進拜承旨性嗜書晚年益

造精妙筆意簡遠神氣超邁自名一家持繯素求書

者繼踵於門應之不少拒

蘇天爵國朝名臣事略

姚樞

姚樞字公茂柳城人後遷洛陽為燕京行臺郎中棄官攜家來婺州篆刻諸經以惠學者讀書鳴琴若將終身世祖在潛即召樞至大喜待以客禮世祖即位拜太子太師十三年拜翰林學士承旨諡曰文獻

元史

姚樞善草書

書史會要

許衡

許衡字仲平懷之河內人嗜學如飢渴貧無書嘗從日者家見書疏義因請寓宿手抄歸世祖出王秦中

召為京兆提學即位進為平章政事十年以為集賢

大學士兼國子祭酒贈司徒諡文正公

元史

許衡習字必以顏魯公為法

耶律有尚國學事迹

郝經

郝經字伯常澤之陵川人世祖以太弟開藩徵經入

見即位以為翰林侍讀學士佩金虎符充國信使齋

書入宋通好拘之真州至元十一年巴延南伐乃禮

而歸之累贈昭文館大學士司徒冀國公諡文忠

元史

經字畫天姿高古取衆人所長以為已有故其筆畫
俊逸適勁似其為人無輕側頗媚之態為當代名筆

荀宗道郝

公行狀

喀喇庫庫

喀喇庫庫字子山博通羣書始授集賢待制順帝時
為翰林學士承旨善真行草書識者謂得晉人筆意
單牘片紙人爭寶之不翅金玉謚文忠

元史

庫庫刻意翰墨正書師虞永興行書師鍾太傅王右

軍筆畫道媚轉摺圓動名重一時評者謂國朝以書

名世者自趙魏公後便及公也

書史
會要

子山嘗問客一日能寫得幾字客曰聞趙學士言一日可寫萬字公曰余一日寫三萬字未嘗以力倦而

輟筆

輟耕
錄

子山書從大令來旁及米南宮神韻可愛

四友齋
叢說

喀喇子山草書柳子厚謫龍說

謫龍之事甚奇河東王文尤奇子山公之書益奇可

謂三奇矣子山公標望絕人簡交際重然諾雖不倦
與人作書然非其人終不得也彥中公交契之素於
是乎見之鄱陽周伯琦記

書畫題跋記

章文簡孫伯昌氏所藏喀喇庫庫為葉判府書柳河
東謫龍說判府乃伯昌外族而得之余嘗聞韓昌黎
評柳子厚文雄深雅健崔蔡不足多也而子山平章
書似公孫大娘舞劍器法名擅當代前後相去數百
載而具美於卷中展玩之如秋濤瑞錦光采飛動可

謂妙絕古今矣伯昌宜寶之唐子七月廿八日高平

瞿智董識

同上

謫龍之說柳河東在南荒時意有所激而云彥中公
少年登朝赫然有聲晚乃仕於郡縣平昔交好於子
山獨密其於是說豈無意乎伯昌其外孫也多鍾愛
於外大父故得公中朝諸公書尺最富皆一一寶藏
之不獨此紙而已六一翁云視其所好可以知其人
余於伯昌亦云越人胡悌書

同上

喀喇子山書楊仲弘墓誌

右楊仲弘墓誌黃晉卿撰庫庫書仲弘晉卿皆先得
制同年進士余嘗錄此文附置題名碑陰又得此於
王汝玉贊善汝玉以為佳物贈余惜其紙墨頗劣也

東里
續集

喀喇子山遺墨

故翰林學士承旨喀喇公遺墨四帖其後兩帖乃公
在宣文閣時所書以貽某而某轉以予顧君仲瑛者

今年孟春過玉山草堂仲瑛出以見示伏而玩之恍
如見公與王右軍父子翱翔於天門鳳閣之上而蛟
龍鸞鶴為之後先也九原不可復作尚幸數從仲瑛
遊時一披展俯仰今昔得不重為感慨乎

夷白
齋集

喀喇和和

喀喇和和字子淵庫庫兄嗜學能文在成宗朝宿衛
擢太常寺少卿文宗立除宣政使擢中書左丞與弟
庫庫皆為名臣世號為雙壁云

元史

和正書宗顏魯公其得其體

解縉書
學傳授

楊載

楊載字仲弘其先居建之浦城後徙杭因為杭人博涉羣書為文有跌宕氣以布衣召為翰林國史院編修官延祐初登進士第授饒州路同知遷寧國路總

管府推官

元史

浦城楊翰林仲弘師趙文敏公得其雅健

解縉書
學傳授

范梈

范梈字亨父一字德機清江人耽詩工文以朝臣薦
為翰林院編修官天歷二年授河南嶺北道廉訪司
經歷所著詩文多傳於世

元史

梈工篆隸吳興趙文敏公曰范德機我當避之若其

楷法人亦罕及

揭文安公集

范德機隸法

鄉先生范公隸書八字風月自清冰霜相看乃清江
傅氏二亭名也何謙伯遜於兵後得之民家如崑山

之玉拾之於抵鵲之餘為之主者固不必識而有之
而又使人一得而見之物之可珍者固常如是無足
怪也梁寅謹識

梁寅石
門集

范德機墨蹟

昔人稱道所羨於其人則曰風塵物表於其文則曰
不食煙火語於其字畫則曰蕭然有林下風今觀范
君德機詞翰而想見其人真足以當之矣至治元年
某試禮部君為彌封官事已往謁則已赴江西憲幕

矣遂不獲識至今以為恨耳

吳師道
禮部集

鮮于樞

鮮于樞字伯機號困學民漁陽人官至太常寺典簿
酒酣驚放吟詩作字奇態橫生善行草趙文敏極推

重之小楷類鍾元常

書史
會要

書法敎於宋季元興作者有功而以趙吳興鮮于漁

陽為巨擘終元之世出入此兩家

陸深儼
山集

鮮于伯機戲題廣嚴僧房壁

伯機於書法用功極深每數日相見輒云近見子某
帖孰離孰合言語必相剗切率以為常伯機仙去十
載非特書法如伯機者不可得而朋友箴規之道亦
使人慨然此詩乃元貞乙未遊高亭廣嚴寺所作用
筆道隳與詩律精嚴是或一道卷中所及巖翁井西
無逸亦相繼云亡交游凋謝雅道寥落益增隕涕至
大辛亥十二月望日已西鄧文原書於素履齋

鐵網
珊瑚

書法不講百餘年至元間伯機子昂二妙特起古意

復見於今予嘗謂後有尚論國家文藝之盛必來取
斯伯機歿既久時人購藏殆欲家有其書而其合作
未有如此卷者昔人云不恨臣無二王法恨二王無
臣法非耶詩逼王半山叙事類崔德符予評豈妄盍
就子昂學士正之延祐五年四月二日高郵龍其璠書

同上

鮮于伯機與嚴處士翰墨

大德延祐間漁陽吳興已西翰墨擅一代而嚴氏琴

亦見稱道年來無一存者得此卷則四人具在惜乎
集之目力已病不足窮其波磔之妙徒諷其辭以想
見其遺音雅趣於湖波山水之間也

道園學
古錄

鮮于伯機詩帖

嘗聞故老云鮮于公蚤歲學書愧未能若古人偶適
野見二人輓車行淖泥中遂悟書法蓋與昔人觀舞
劍器者同一機也公生燕趙官吳越而詞翰有晉唐
風屢薦名館閣不果一試卒沉抑外官命矣夫嗚呼

士有懷異負奇不克顯於世者可勝歎哉彼居要官
偶擅書名於一時百世之公議弗然也夫唐人工書
故以書名世者難近世工書者鮮故書易名世矧公
書極工宜有名以傳後世矣

蘇天爵
滋溪集

鮮于伯機書迎詔三詩

鮮于伯機自書其迎詔三詩其行草之精固吳興趙
公平昔所推遜者而此紙筆意尤妙固非率遽而書
之耶抑亦天機之精到雖出於率遽非他人之所及

也梁寅書

石門集

鮮于伯機書蘭亭記

鮮于奉常公嘗見葉秋臺書反覆諦視至欲下拜秋臺之書人頗譏其陋公獨知其用筆之妙字學雖淺藝非功力精到亦不足以相知況其他者乎予藏公所書濟石硯賦自謂可入妙品今觀此卷實可與之抗衡非真知書中意者未必以予言為至當也

宋學士集

鮮于困學草書後赤壁賦

鮮于困學書名在當時與趙吳興鄧已西各雄長一方困學多為草書其書從真行來故落筆不苟而點畫所至皆有意態使人觀之不厭不若今人未識歐虞徑造顛素其散漫連延之勢終為飛蓬蔓草而已錫山鄒永章蓄此後赤壁賦觀之數行後益可把玩然自愧非書家不能深知其妙處耳

乾翁家藏

鮮于伯機詩墨

書家例能文詞不能則望而知其筆墨之俗特一書

工而已困學翁平生以善書掩其詩名余每讀其詩輒歎其妙若此篇概亦可見蓋世之學書者如未能詩吾未見其能書也都憲顧公示此因以論之

貌翁家藏

集

鮮于伯機墨蹟

元史稱趙子昂篆籀分隸真行草書無不冠絕古今又云孟頫之才頗為書畫所掩子昂不易得矣然子昂嘗云與伯機同學草書伯機過余遠甚極力追之

而不能及伯機已矣世乃稱僕能書所謂無佛處稱尊耳推重伯機如此伯機尤不易得也伯機大德二年過京口為高孝賢書蘭亭記一卷余得之見其筆鋒遒勁風神凜然謂不易得昔人謂作字墨淡則傷神采絕濃則滯筆鋒又謂古墨跡必表古而裏新余於是乃知為真伯機無疑也嗟夫禊序筆墨之妙高出千古人或病其絲竹管絃天朗氣清之語此與以耳食無異不知東都賦已有布絲竹鐘鼓鏗鏘管絃

切切之句張衡賦已有仲春之月時和氣清也伯機

此卷豈為右軍殺耻耶

石涌集

或謂困學面帶河朔偉氣酒酣作字奇態橫發今觀所作良是也但不知酒酣與否其謂蚤年曾作吏不免間有俗氣謬矣若然何文敏公推重之至不敢與齒其自序惡札汚几案不可以示人前輩君子藝愈妙而心愈下如此哉士亨能寶此其趣向可知矣

劉珣

古直

集

予嘗見松雪趙公跋鮮于先生所書歸去來辭後謂其同學書而過余遠甚誠非過言也蓋二公皆由晉帖中來而各自成一家何世人但知趙而不知有鮮于也及觀此書筆意遒勁而機械妙用婉轉無窮趙公之言豈欺余哉予所以識此者特嘉趙公之推美同列而嗟世人之不識也蔣生其寶藏之

鄭本忠安分先生集

鮮于困學遊高亭巖詩記

鮮于困學氏博學負材氣貌偉而髯類河朔傖父余

見其行草往往以骨力勝而乏姿態略如其人以故
聲稱漸不敵趙吳興人謂吳興以已書三紙易困學
一紙焚之恐未必爾也此遊高亭巖記及詩凡一千
六百五十六字見鐵網珊瑚中字兼正行體大小如
宣示而備有褚柳諸體其文亦典贍可喜獨所紀淨
師草聖以為錢塘人家所收王逸老合作皆其筆却
大誤逸老名升別號羔羊居士宣和中嘗獻草書稱
旨得官至紹興時年八十餘乃終楊用修著墨池瑣

錄謂逸老南唐人名文秉又誤也逸老不合狂擬右

軍兩見誣作僧俗人可發一笑

弇州
續藁

鮮于困學帖

困學老人善迴腕故其書圓勁或者議其多用唐法

然與伯機相識凡十五六年間見其書日異勝人間

俗書也大德壬寅長至後三日袁裒

戲鴻堂
法帖

鮮于伯機行書進學解

頃見鮮于伯機絹書唐人詩二軸筆勢如猿嘯蒼松

鶴鳴老檜以茲刻觀之用筆雖同而丰神稍異學書者必多求之墨蹟而後覽乎石刻庶可以悟古人筆法之妙嘉靖甲寅三月十八日曉起題

玄牘記

直寄老人書昌黎石鼓歌

石鼓文字奇也韓此詩又奇困學書此力與之敵又奇也嘉靖甲申初夏陸深觀於思齋

式古堂書畫彙考

困學翁崛起幽州與鷗波亭主人齊驅爭道未知誰得驪珠嘗僑居我里署名曰橋李某故余見其手墨

輒喜為題之敬附梓里後進之誼秋岳生曹溶

同上

鮮于伯機真草千文

鮮于伯機草書千文

鮮于去矜

鮮于去矜字必仁號苦齋樞之子書得家法

書史
會要

鮮于端

鮮于端字文肅樞之孫書跡不失家學

書史
會要

六藝之一錄卷三百五十三